

紹興縣志資料第一輯

第二十五冊

第二十五冊（重訂分冊）

紹興縣志資料第一輯

杭州古籍書店複印

倪會鼎

〔錄茹敦和撰傳〕孝靖倪先生會鼎者字子新晚而自號無功明忠臣文貞公元璫子也年

諸生其時於書已無所不讀會漳浦黃先生道周方謫官江西以病稽於越文貞舍之衣雲閣命先
焉既而黃先生復被逮廷杖下詔獄先生從之京師繼營豪釐受學於獄中黃先生成辰州阻於賊未赴先
生從之大滌又從之武夷會文貞以兵部侍郎召先生始歸崇禎十七年三月明亡莊烈帝崩文貞死之四
月越中變聞左都御史劉先生宗周蘇淞巡撫祁公彪佳吏科都給事中章公正宸等皆衰絰荷戈慟哭於
軍門請討賊而巡撫黃鳴俊不時出師先生以文貞柩在賊中將微服北行乃募壯勇數十人與俱布討賊
之檄於天下南都既立福王福王亦無意出師而我大清兵入關討賊賊竄走遂葬莊烈帝於思陵先生亦
得扶文貞柩以歸先是文貞在兵部以擒劉超故蔭一子錦衣僉事至是以殉難故又蔭一子錦衣僉事先
生當得兩僉事明世武臣無丁憂例累檄促之赴官而是時皖人阮大鍼翻逆案驟起掌兵部事先生遂以
喪服辭不赴也南都再亡唐王聿鍵僭號於福州漳浦以大學士督師承制授先生職方郎中監其軍事先
生復以喪服辭漳浦遣之書曰屬以時事之艱思借箸於君非敢以一官相溷也正使綰冠素鞵出入戟門
於君何譏於僕何損先生雅不欲與唐王事以漳浦故不可以不赴迤邐趨廣信臥邸舍待之漳浦至議兵
事多不合漳浦憤然曰君昔者在吾前智略輻輳今喋喋如此老生耳先生曰先生正欲爲火迫文天祥然
於事無濟若何婺源敗漳浦見法於江寧先生請其元葬之事畢遂歸杜門不復出順治九年世祖章皇帝
褒恤明代忠臣贈諡葬祭咸備先生北向稽首慟哭曰新朝之於先臣至矣而遺孤墮紳莽將何以報哉念

生平經世之學所受於漳浦者尙歷然胸臆間乃仿四通二衍之例臚爲一書以告六官長屬冀以裨補萬一書凡二百七十餘卷名之曰治格會通其自序略曰予少聞禮於趨庭長執經於漳浦妄以習聞臺閣自許無何銅馬蔓滋潢池蠭沸攀髯灑碧帖裂山頽恭際聖皇整旅入關受天成命奄有九夏揆文奮武以開萬世無疆之休於是仰山川之再秀觀日月之重光攀龍附鳳之彥罔不出其經綸以黼黻明盛小人有母奉菽水咏太平已耳會老友蔣子杜陵來自雲間以網羅散失相屬予心憊之特念四通二衍互進迭興而世鮮湛深之士者以有二畏也編簡浩繁望洋無際則畏之端倪雜見作止屢遷則畏之我思古人厥有二道溫公作通鑑時流猥以引睡機仲患之離爲二百餘事事爲本末俾若散錢之歸緡貫而後天下知讀書之樂東萊作大事記又復爲之解題考亭善之稱其一句便括一段使如尺衡之占象緯而後天下無泛讀之憂今法機仲則多其綱目綱有分總以統其全目有巨細以析其妙層積層列而本末自出則錢無不連於貫者矣法東萊則歸重細目連篇累牘之文括諸數字轉喉凝睇之始洞其指歸則緯無不周於衡者矣其次則言邇通行相積其勢不得不刪然刪恒不刪特刪同不刪異刪遠不刪近刪瑣不刪大刪文不刪義其大指也亦有事本恒瑣而不刪者如屯田牧地則存其境址賦稅課程則存其規額下至農桑畜牧器用百工既關治道則不得而去亦有事屬殊特而刪之者如氏族六書七音以至金石草木之類博雅所資而無關政要則亦不得而存又其次則言述四通遞續考最後盡於神宗之中祀今以崇禎爲屆四朝典故雜而難稽史志未成神官發謬雖就所聞見紀之心焉惴惴不容不跂足於後來之彥也若夫燭燿微明夸

稱尙友竊窺往世所操不同社王矜懷評陟眞磨纖鉅畢宜漁仲天資敏妙瞻矚高遐雄辯所歸不無武斷
求其渾脫經史鎔鑄古今層折入微動中竅索厥惟馬氏所願學焉苦才之不逮矧唱蛙鳴自適己事已爾
六十而濡毫八十而輟筆揜燼却扇心摹手追生平精力盡於此書冀或免於蹶車覆轍其曰治格者本諸
西山大學衍義所云治天下之律令格例也會通有三義言學者以研辨通之言治者以因革通之而言六
經言三代又必會兩漢唐宋元明以通之也先生既孜孜撰述一切外事皆不問康熙二十年越大水西江
塘圯自臨浦至褚家墳決口凡十三處當事者務苟且欲小小補苴先生慨然而起謂宜合山陰會稽之力
以助蕭山按畝而輸分段而築務爲百年之利而是時鄉人姚官保啓聖方總師閩中議并修三江閘馳書
請先生主其畫先生乃刻其石以禦湍流其餘烹林灌鐵一如舊法又修磧堰麻溪瀾治其澤洞之淤壅文
移書牘商榷詰難相往復者蓋數百萬言皆先生手書自辛迄壬廢寢食者一載有餘而後訖工工既訖復
孜孜撰述如故漳浦戴山皆文貞執友而先生之學主漳浦不主戴山其所與遊如黃處士宗義姜京兆希
輟董山人瑒以至孟學思祝宏埏等皆戴山弟子宗義著明儒學案七十卷先生亦著明儒源流錄二十卷
以明示異同其他自詩文集外又有古今疆域合志越水磨言等書皆與會通相表裏膠州高相國宏圖遜
荒居東城禹跡寺先生繼粟肉終其身雲間蔣大鴻平階卽所謂孝友杜陵生者也寓越王姜公子堑先生
亦時闕其困乏其後遺民逸老漸次凋謝而先生享大年巍然獨存或以爲得金丹之術先生笑曰非也康
熙四十五年終於家時蓋八十有七識證者宜與陳維崧三樵氏曰文貞居戶部以三做名其堂三做者正

做大做實做也先生進退取予嚴於絲髮可謂正做矣著述務極於宏博可謂大做矣至於水利所關精思曲算勞精憊神毅然以魏尚書戴湯兩太守自任則所謂實做非乎嗚呼先生身逢革代自以兩膺世賞職在周廬故山薇蕨苟無饑餒而本朝史法嚴斥貳臣其不容抱器之奔亦久矣雖然藏舟在壑有川不濟其自號無功也亦傷之爾而三做家法卓然如此則先生非無功者也〔竹香齋古文 道光會稽志稿有傳〕

徐鼎 〔錄沈冰壺撰傳〕徐先生名鼎字岱淵浙江之會稽人工部尚書大化第三子也初名湯英字莘野登崇禎辛酉鄉薦復更名登癸未進士大化調事魏闢劾楊左下獄慘死天下皆戟手詬詈之烈皇時名聞逆案罪遣戍至赧皇立南都大化已死張捷楊維垣力謀翻案得贈蔭祭葬而南都尋陷先生知父不爲公論所容思幹盡自湔雪國變後堅不赴選匿迹晦聲人莫能窺其面家國之間獨抱隱痛以終年八十有五鄉人多憐之〔清名人小傳〕

胡字令字麟稚後更字麟治號文明子山陰賞枋人姿性最敏經史百子過目脫口不遺一字時人稱爲八才子於同堂行次居第八也年二十受知於晉安王公入郡庠明年學使麟長劉公課士拔一等第三補增廣生葢山劉夫子與郡人講學爲證人社字令與焉一日會於古小學講致良知字令越席一言爲劉夫子所嘉嘆卽受業及門崇禎甲申鼎革時年僅三十有七學使者歲試方拔其冠郡庠應補廩膳生泣謝之悉焚其生平所讀書併所著制義與詩古文詞無復存者清初詔郡邑徵山林隱逸之士守令命學官數次勸駕不往自是杜門不出知交亦漸零落矣康熙己巳夏嘉定白沙村俞嘉客字鶴湖遊於越著三申詩〔北都

亡於甲申滇黔亡於丙申臺灣滅於庚申故謂之三申）索和字令口占一律鏡湖風月一時新回首當年
蝶夢頻歎息故人如水逝欣逢景命自天申鬢毛盡落無煩痛破褐難更不厭陳聞說白沙猶念舊老儒還
是子遺身命子肯堂書以答之時年八十一矣（據賞枋胡氏譜）

黃寧方字成士山陰諸生好勇尚義與餘姚張斐友善斐字非文爲李氏贅婿負才氣憤時不平寓居日本十
餘年教習諸倭人李氏不知也嘗有詩憶成士云憶別幾千里論交已十年江湖客裏夢風雪夜中船妻子
分廚米生徒減課錢向來懷感激未語愧君賢居久之忽浮海之廣州羽海盜攻城事敗死之成士聞而忿
悲旋以疾殞（據陶及申鶴厂文選）

陶復字克幾九歲在塾值明末甲申烈皇殉國閉戶哭泣不能止母兄怪問封曰普天之下莫非王土復雖幼
君父同也若之何不痛自是絕意進取稀入城市雅善病喜兀坐見者苦其寂寞然博覽典籍器業日進於
詩文無所不能尤研極理奧著大學衍義補若干卷家酷貧授徒代食終五十年大布之衣儒巾方肩時人
嗤笑終不撓悉卒後友人私謚之曰貞安（陶堰陶氏譜）

陶元勳（錄家傳）全一公諱元勳太學生考授縣丞當明季梨海之交謝人事杜門課子多著異書著述宏
富皆手錄盈篋上虞徐亮生相國爲姑之夫將督師勸王作書規以死事忠義激烈如見填海移山之慨公
雖肥遯邱園而天人革命絕影窮居讀史悲歌遠遶靖節知其耿耿者猶未下也所著書後皆燬於火存者
惟圖書一篇其略曰放庵野鶴老人進二子而命之曰生計拙甚有乘敵舟冒逆風而遭澆瀾之險者此時

舟中雖秦越人之不相關莫不思舵者舵需者需負纜者許許絮漏者丁丁凡以益乎舟中不遺餘力未有袖手而坐觀者也是何也非秦越人之能相厚也期紓急而已矣我之今日不幸類此食指既繁家道日替匪濟蹇之才而遭不偶之數是敝舟逆風而罹澆瀾也如必待婚嫁都了不過數年之間勢同瓦解不得不及今未盡量授爾等且使爾身任衣食之計歷知貧窶因而刻志勤儉振起前業是亦寬避他舟計也兒曹勉之人生財賄最輕蓋可自致兄弟最重諺稱難得因易致之財賄傷一本之和氣此爲至愚故不可存較量心較量則爭不可作究竟想究竟則小今雖暫時險難分寬各舟要之同舟之誼自在慎毋遺棄越人笑斯庶幾矣讀之使人孝弟之心油然而生公自字全一全於一也卒之日宗人私諡曰文介 論曰昔余若水投版棄官與老農雜作冬夏一皂帽雖至昵者不見其科頭二十有四年不離城南一步周唯一遞入剡源盡去其髮而爲髮塚架險立瓢榜曰龔雲黃梨洲兩賢之合誌其墓曰若水行在孝經義理迫隘唯一之途稍寬世之君子往往由之公且銷聲匿跡甘爲其難斯其志節可知矣〔陶堰陶氏譜〕

童欽臯字允生富盛人弱冠有文名陳子龍以司理攝郡篆奇其才鼎革後絕意仕進時末流疎縱舉病之以名節自勵家素貧里人有謀請託者力拒之爲開陳義利宗旨聞者悚然謝罪退謂人曰與翁語當嚴冬猶汗流也其雅志堅確善啓發人類如此歲庚子長子洙尉平舒迎就養時相誠以官無卑小苟盡心力而爲之必有濟洙承命奉法惴惴御吏民有恩皆父教也晚歲臥床第猶課孫爲疏解經義嘗著崇正論萬餘言大旨本原道而究極其意疾亟遺命喪葬一遵古法卒於舒舒私諡曰文懿先生〔富盛童氏譜〕

孟繼儒字翼聖會稽獨樹人弱冠進邑庠與族兄奇英（見方外傳）構昭遠居書舍讀書明末嘗與族姪汝翰爲王藩鎮之仁參軍清初白頭兵之役捍衛鄉里多所保全（據獨樹孟氏譜）

張其燮字君翔山陰濱諸人生明季世讀書未成去習武事且膂力絕人從軍遼薊會袁崇煥誘殺毛文龍遂南歸爲杭州羅木營教師長江南之習武事者皆宗之宏光乙酉西江上師起兵部尙書張國維累聘爲總戎辭之謂曰先華者不實驟舉者不祥吾觀若輩皆尙剽掠無大志天下未能自此定也留數月歸清順治戊子有白頭兵之役其燮杜門不出多徼其名不敢窺其境邑令顧某委任爲團練使尋事平其燮終老於家（濱諸張氏譜）

徐經字暮川苞山人力能舉八百觔順治五年之亂徒手格殺盜數人盜以巨斧裂其首更奮斧擊盜退去後仍戰死（苞山徐氏譜）

任長者號桂巖遺其名家山陰婁公埠家僅溫飽好施與所居數椽前設亭舍夏茗冬湯中衢置宵燭罔間風雨施草屨霽笠歲以千百計凡可以惠鄉黨貧乏者率力行之遠近咸稱長者丙戌夏清兵東渡潰帥吳姓挾輜重宵奔爲追騎所迫棄舟遁去桂巖呼僮舉之累日不能盡自是家益饒爲德益溥戊子歲爲土寇所執勒厚贖以四健卒守之卒以平時受恩則軍負之逃越嶺嶺穿叢棘信宿抵家出金以酬皆不受事平有司以德行旌之（余緒大觀堂文集）

趙嘉燦字文如順治戊子負父逃難於湖門之九曲池遇賊求代父死不獲遂與父同死（華舍趙氏譜）

陳惟章天樂鄉富家墩人清初多有借義兵之名勒餉於各村者所至焚掠不勝其擾惟章率鄉人拒之斬其渠名邵文正者其黨始不敢窺其村越數年有朱德孚者自諸暨侵歙惟章往援敗之朱復掠橫江其地有浮橋爲惟章所據當寇潰返時復追而殺之是役雖賴各村犄角之力非惟章爲之倡不易遽平也後浙撫旌其閭曰義勇全鄉（見天樂陳氏譜所載全鄉記）

陶梓字子木順治戊子之役清軍四出追勦多掠民婦頓郡城飛山外啼號酷虐有不忍聞見者衆議捐金贖畏其鋒尚猶豫梓曰彼不驅之去而遲遲其行正有待也乃挺身請行從行者以十數比午至營遇悍卒拔刀相向從者悉驚走梓獨侃侃與營將語走者還競傳梓見殺皆大駭日暮歸得其首肯狀於是晝夜經營計人給資盡歸里（據陶製陶氏譜）

許弘字子遠號且樸子山陰人少慧善屬對爲帖括不拘邊幅失有司繩度遂屢阨於試明亡絕意進取避地湖之仁邨愛溪山明秀居人樸茂遂挈家往寓有終焉之志順治戊子山寇起乃還越著有避地仁邨記及樂府數十篇傳於世（采訪）

謝群（錄章學誠撰傳）謝群字爾翼號恕園會稽人父一匡明季官四川通判群幼奇偉年十六補諸生值明季喪亂卽究兵機有膽識順治丙戌東陽寇起發白帕裹首號白頭兵焚掠諸暨嵊縣間遠近大擾群廉得其間糾合鄉勇夜渡七沙河灘擊潰其衆獲輜重無算盡散里人時群甫生十九年也清兵南下聞群名強起參振武軍事督諸道糧餉有功當殊擢群固辭周遊山水足蹟殆遍天下同縣姚啓聖總督浙閩統師

進討臺灣姚夙知群遣使迎群贊畫軍務群爲盡心既克澎湖姚欲以群名上聞群笑謝曰審我欲官邪則轉餉東南時富貴且立致矣姚不能強姚卒群哭之慟曰天下不復有知己也晚年居江寧轉徙揚州欲返會稽不果每語子弟他日毋忘故鄉性豪直與人無城府意所不可卽怒罵無所顧六十以後不復涉世事終日吟哦篇什日富一日忽拉雜焚之不復吟其後目昏不辨書則命諸生誦前人篇什據案聽之忽歌忽泣人莫測也群慷慨能急人患難嘗曰吾爲友嘗三破家而其人皆將相矣問其姓名不答群軀幹修偉聲如洪鐘稟氣強無疾病年九十三微疾而逝四子七孫長孫遠王最知名群所著有尺牘鈔四十卷中朝疏稿二十卷甲乙新聞五卷或曰群初嘗授官矣後卒謝去將死諭其子曰聖朝重遺老我屢拜粟肉之賜他日墓書賜粟老人可矣（章氏遺書）

王國寶字元洲會稽人九歲善屬文受學於劉戡山讀書務窮理力行不徒治章句自弱冠遊庠後屢困棘闈乃東裝北上遊名山大川交其賢士大夫大司馬李懋明奇其才客之遂佐懋明捍邊圉增寇氛凡奏計多出其手特薦授通判以憂歸服闋除任豫章未赴遇鼎革絕意進取清世祖詔求遺賢巡撫以國寶名上固辭不許乃就寶坻教職邑自丙子復隍文廟傾圯國寶倡邑人急修之學出沒於旂園力請乃得撥補未幾固陳乞休年老遂家寶坻日惟與知己談經賦詩蕭然物外或出所蓄古墨舊硯獨坐摩挲竟日不厭一夕忽招集故舊歡飲至夜分起歌曰薄遊天涯兮何所依身一出兮不可歸客去卽盤桓呼三子命以舊衣敝端坐而逝子師旦（寶坻洪志）

盧必陞字案臣山陰人九歲父芳病思得蜚蜮矣必陞挾筐求之沙上潮至幾死不釋僅明季遇寇芳獨行入山必陞行求得之歸必陞爲叔父茂後順治初寇繁茂舟中必陞繞岸哭三晝夜不絕聲寇引使見茂脅茂降拔刃屢欲下必陞叩頭流血乞貸死久之寇中有義其行者脫茂使共還茂有女忌必陞喉母遣必陞往松江使盜擊諸途盜察必陞且死曰爾死勿我讎誰某責使我必陞伴死盜擲之水復以救免必陞書告所後母但自謝不謹被盜所後母爲感悟爲母子如初（清史稿孝義傳）

章開會稽人父尙綱明崇禎十六年殉難西安乾隆予諡節愍奮志有傳方節愍將殉時命開假棺於匠開爲賊得旋自脫歸竊負節愍尸具棺以飲詎死已十日顏色不變光氣耿耿如生次年三月與弟閻奉母從兵燹中詰屈南歸順治四年閻涉崎嶇冒險赴西安扶節愍柩值鄖陽兵變迂道襄鄧穎毫間屢瀕於死歷半載竟得歸（章實齋文集 按道光會稽志稿附載史可法撰章尙綱傳已有次子閻冒死負骨歸葬之語此云順治四年始歸與史文不同）

陶明字晦如會稽陶堰人明魯王越中立國之時鄉遵謙聚兵江左托助餉名鄉村傲擾幾徧明從弟某被擒拷掠備至繫之舟中將解維去明適負耒歸率弟克韜奔救執其部將使弟負某走兵士舉戈相向明厲聲曰若無禮吾先殺若主迺止越數日復潛師至明與弟方治田猝被縛其下請遂斬之部將曰彼尋我通衢我將於彼斬之以洩憤會至百家湖颶風起巨浪滔天兄弟奮躍入水囓縛而脫（陶堰陶氏譜）

陶然字易潭會稽人值明鼎革不求聞達館某家有婢通廚人而孕主人覺痛笞之使吐所私者知主人素重

然妄以然對一日然解館主人令婢飾容隨然歸然愕眙婢伺主入泣以告且曰公一置辨須臾斃命矣然竟忍誣絜婢抵家立召廚者至使携婢去勸之改行然既歿子奎盛覓葬地得穴詢山主至則廚人也率子若孫環謝不絕遂立券葬後一再傳子孫食指以百計〔陶堰陶氏譜〕

陶守爵字惟仁〔晉〕稽人少失怙恃與弟望皋友愛甚摯未寒先煖未饑先飫弟亦奉令承教若子之慈父自成童以至垂白怡怡之聲遠近無一間言一日弟忽泣然流淚言曰弟昨夢離兆不得久侍兄兄善自愛言未畢而息屏矣目尙未瞑守爵枕之股而哭惟其心曰吾不可以獨生三踊而絕時人哀之稱爲二難難其生不同歲死則同年同月同時也〔陶及申筠厂文選〕

張麒字瑞徵山陰人長於京師十八歲遭亂變城陷時其父楚遊未歸急匿其母他所旋挈其妻賊已大入度不免呼妻劍其首仆復橫擊其面鼻吻俱斷乃去遇賊縛之榜烙無完膚罵不屈給賊登樓自衛踊身下閤絕樓下故亂石堆無寸隙蘇視石劃然開身無損忽一老扶杖至二犬躍躍隨之跪請救老人曰吾覓爾久矣急去吾救爾言畢不見出果免又間道涉海潮焉若有物負之出得不死妻被刃亦未殊三日夜氣不絕救之復生終身不怨又爲置側室乃前十年死〔王源居業堂集〕

錢鳳覽字子瑞會稽人大學士象坤孫以門蔭授中書舍人值東宮講讀陞刑部主事賊敗仍故官甲申十一月有道裝者冠九華巾青布衣敝履先至演象所某家夜叩嘉定伯周奎門自稱太子周奎以聞清攝政王令百官辨之鳳覽以諸臣皆以太子爲假獨慷慨疏爭之略曰大臣不認則小臣瞻顧內員不認則外員箝

口然天地祖宗不可欺滅敢以死爭之疏上下獄法吏訊之曰苟易汝言則生鳳覽毅然曰我業辦一死言不可易竟坐死太子亦暴卒後魯王監國贈太僕寺卿諡忠毅〔見崇禎忠節錄及南疆逸史〕〔按會稽志象坤傳附載孫鳳蘭官刑曹蘭當是覽之誤〕

朱懋文山陰人順治元年以遂圖賊功擢直隸易州知州在任數年豁虛屯置官驛設長夫禁勾軍清丈地畝立徵糧之法政聲卓然〔易州志〕

吳邦臣山陰人進士順治元年任山東巡鹽御史時山東每歲額行四十六萬三千七百三十引每引徵銀二錢五釐八絲共該銀九萬五千一百餘兩順治元年三分免一共該銀六萬九千五百六十餘兩疏以商竈節被荒殘額課難辦經戶部題請先完一半帶徵一半奉旨允准又以額引未頒請自二年爲始庶年分明而鹽課清云云〔濟南府志〕

王三元山陰舉人順治元年任陵縣知縣當改革之初人情洶洶至則振綱紀安百姓禮學校抑豪強輿論翕然祀名宦〔山東陵縣志〕

莊應麒會稽人順治元年任山西介休典史親救水災弭戢盜賊招集流亡介民安堵生聚皆其遺澤〔介休縣志〕

鮑鼎字伯新山陰恩貢順治二年任河南通許縣安撫流遺開懇荒田百姓相率歸業〔通許縣志〕

王友虞會稽人順治五年任山西翼城縣丞平定寇亂守城有功〔翼城縣志〕

徐之燧山陰人順治間任山西洪洞縣丞器守春溫處事犀利勤慎有守佐理之傑出者〔洪洞縣志〕

章正儀會稽人順治間任陝西蒲城縣丞六年被寇殉難祀名宦〔蒲城縣志〕

梁一鴻會稽人順治中任山西石樓縣典史賊皆歛迹民以寧靜〔汾州志〕

邵鯤紹興人〔縣志未詳〕順治四年任河南典史土賊起與知州王德教巡檢潘柱同日戰死〔省志稿據史

館王德教傳

王業章紹興生員〔縣志未詳〕順治二年紹興有警業負父逃兵殺其父憤罵斷舌剗耳鼻死〔省志稿據史

館張懷傳

周茂覺山陰人順治三年任山西垣曲典史嘗捐俸修廳事不以傳舍視官署姜瓖之變城破死之祀忠烈祠

〔垣曲縣志〕

戴光升山陰人順治四年任江西龍南縣典史粵寇闖某攻城光升率鄉勇戰死〔省志稿據史館本傳〕

吳希賢山陰人順治六年官山西臨晉縣丞委瓖叛希賢守南門城破死之〔省志稿據史館李向禹傳〕

陳炳新山陰人順治六年官廣東羅定州吏目明桂王將李定國破城死之〔省志稿據史館鄧象鼎傳〕

胡天爵山陰人順治八年任山西垣曲典史有幹才招叛有功遷福建汀州府巡檢〔垣曲縣志〕

趙國琳會稽人河間籍貢生順治十一年知山東定陶縣修縣志著理陶五議載定陶藝文志〔定陶縣志〕

許榮昌字復菴會稽人順治十二年知山東荷澤縣吏事精敏勤於簿書每聽訟爰書立具胥吏仰成而已以

贖錢修文廟竹頭木屑皆手校赤籍準工校料應付不爽毫髮無敢侵沒者遷知廣平府〔荷澤縣志〕

沈啓隆山陰人順治初任湖北蕪水縣丞時東山寇起攻掠郡邑啓隆從縣令嬰城固守有完保之功又從清兵安定旁邑身踐戎馬間以數十騎入羅田卽領縣篆羣情惴伏〔湖北通志〕

王名世字松谿山陰人舉人順治初歷署湖北蕪水黃陂知縣俱有政聲又署廣濟廉諸吏奸狀嚴加懲創請免數年逋賦斥去陋規聽訟必盡其辭徐以片言折服〔湖北通志〕

陳之奇山陰人順治初任湖南新寧典史峭苗易漢宇煽衆爲亂橫刦城庫之奇死之〔湖南通志〕

陳啓麟山陰人順治二年任安徽泗州典史督捕勦能賊盜屏迹〔泗虹合志〕

胡懋修順治初年任山西忻州州判五年總兵姜瓖以大同叛姜瓖者故明大同總兵官明亡降於賊賊敗投於清清仍令鎮大同至是復叛草竊者乘間起晉省幾無完城或勸懋修棄官遁曰守土之官城亡與亡今日正吾致命時也賊至守禦不支城陷遂遇害時從弟懋純適在晉聞信奔赴覓屍於積骸中數日得之爲

棺歛歸葬〔據張漢胡氏譜〕

吳琮山陰人入遼東籍由貢生任山西五臺縣姜瓖反晉陽以北五十餘城半爲姜黨攻據代州人劉遷受瓖戰衆衆應之五臺土匪高山等亦聚衆剽掠合縣大亂琮與同城各官誓死守歃血與紳衿百姓盟已而敵蟻衆攻城琮率衆晝夜守禦相繼出城擊之家丁吳虎吳有功皆戰死踰年姜瓖破敗餘黨悉遁五臺據寶村爲巢穴攻城愈急幾破者數矣琮澗泣誓衆與城存亡衆皆感激死鬪攻圍一年竟不能下會宣府總兵

李延壽襲破寶村敵巢敵乃潰散城獲全南門變城有斗室琮守城時坐臥處也事平未邀薦擢士民惜之
〔山西通志〕

陶才〔節錄陶自新撰傳〕陶才字君實會稽人生四歲遭父喪貧無以斂伏屍哀慟若成人禮宗族憐而競
贈之奉母十餘年以孝稱母卒子處草廬哀毀骨立見人讀書輒慙慕曰吾力不能爲親竭身不能爲君致
有志就傳而乏脩脯奈何父老感其言爲言於戴山劉先生因得列門下頗涉經史曉大義公狀貌偉傑性
壯烈優藝勇尤善手搏受學後抑損若懦夫兩應童子試不售迨北上由三考出尉東安遇事敢爲令甚器
重之順治五年秋大饑賊劉東坡勇悍有邪術肆掠渾河左右冬十月慮延東安民皆洶洶懼時令在會城
賊攻城急公升縣堂伐鼓集衆而誓曰才雖下吏亦天子所命義當死爾百姓有能殺賊者從衆皆泣曰公
沿東安適歲侵民饑且死會大尹臥病公慨然爲民狀疾苦伏撫轅三日獲請生乃公生死隨公死今日惟
公命於是率軍民三百餘人突西門而出奮勇擊賊斬首數十級生擒四人以還賊益兵攻城且誘之戰佯
北公追之至落堡村西坂忽黑霧迷天咫尺兵刃不相見衆潰公策馬衝突當者披靡卒中妖術被執賊見
公義勇欲降之公厲聲裂眦奪刀刺賊不中殺賊卒數人遂自刎賊怒甚臨之懸頭於纛以示城中中人
皆震哭塞門增堞以死誓年十六以上者爭持瓦石登陴拒賊會令亦請兵至賊遁邑賴以寧東安滿兵駐
防始於此公卒年三十八家貧未娶惟一僕力不能上聞士民私祀之歲時布奠無不泣下者迄今猶道公
忠烈不衰其時有一少年聞公被害悼甚操戈而出門塞不得啓號呼從城上躍下腸裂仆地而死亦義士